




Kumusta gikan sa PERU!

Kat-oni ang mahitungod sa mga anak sa Langitnong Amahan sa tibuok kalibotan.

PINK NGA MGA DOLPHIN



Ang pink nga mga dolphin nagpuyo sa Suba sa Amazon! Nagsugod ang suba sa kabukiran sa Peru ug modagayday agi sa kalasangan sa Amazon.



Ang Peru usa ka nasod sa Habagatang America. Sobra sa 33 ka milyon ka tawo ang nagpuyo didto!


PAGBANTAY SA MGA HAYOP [ANIMAL HERDING]

Sa Peru, ang mga tawo nagbuhi og mga karnero, mga llama, ug mga alpaca sa mga kabukiran. Gigamit nila ang panit sa mga hayop aron himoon og mga sinina, habol, ug trapo.



MACHU PICCHU

Ang Machu Picchu usa ka karaan nga siyudad sa Kabukiran sa Andes. Ang katawhan sa Inca mitukod niini gatosan ka tuig na ang milabay. Migamit sila og mga tulay sa pisi aron makakatkat sa mga canyon!



BITAMINA GIKAN SA KAHAYAG SA ADLAW

Ang bitamina D makapalig-on sa imong kabukogan. Makuha ni nimo nga bitamina gikan sa adlaw. Paningkamot sa pagdula sa gawas matag adlaw. Pagbutang og sunscreen aron sa pagpanalipod sa imong panit!

SUGYOT SA KAHIMSOG

MGA PINULONGAN

Ang Peru adunay tulo ka opisyal nga mga pinulongan: Kinatsila, Quechua, ug Aymara. Kasagaran sa mga tawo makasulti og Kinatsila. Daghang pinulongan ang gigamit didto sa kalasangan sa Amazon!

KAMISAKI

HOLA

ALLINLLACHU

MGA LINYA SA NAZCA

Usa ka karaan nga katawhan nga gitawag og Nazca misulat og dagko kaayo nga mga linya sa yuta aron makahimo og mga hulagway. Makahimo kamo sa inyong kaugalingong gamay nga mga linya sa Nazca sa panimalay!

1. Taboni ang usa ka **piraso nga papel** nga gipahiran og nipis nga **kula [glue]**.
2. Butangi og pino nga grano sa materyal sama sa **balas, asukar, o abog** diha sa papel.
3. Gamiti og tukog aron makadrowing og mga linya aron makahimo sa imong hulagway. Inig ka uga niini, hinaya og taktak ang nahibilin nga balas o asukar.



KALIHOKAN



MGA TEMPLO

Sobra sa 600,000 ka miyembro sa Simbahan ang nagpuyo sa Peru. Ang Peru adunay tulo ka templo, nga adunay tulo pa nga umaabot!

MGA PAGHULAGWAY PINAAGI NI KELLY SMITH

PAPA A LA HUANCAÍNA

Sobra sa 4,000 ka klase sa patatas ang gitanom sa Peru! Aniyay salsa nga imong masuwa inig kaon nimo ini.

Isagol ang **1-3 ka sili nga wala nay liso (o 1 ka kutsarita nga chili powder)**, **1 ka kutsara nga mantika sa utan**, **1/2 sa tasa nga queso fresco (o cottage nga keso)**, **4 ka soda nga kraker**, **1/2 sa tasa nga evaporada nga gatas**, ug gamay kaayo nga **asin**. Isilbi ang salsa sa linuto na nga mga patatas nga may pini-kas nga gipagahi nga mga itlog ug mga oliba.

Siguroa nga adunay hamtong nga motabang!



RESIPE